



Kerneier Lyrik

Seite 1

Haus, die Kehrwoche

Was in unsre Vodr'-Stub alles waar... von Peter Gärtner

Zum Beispiel blooß ohmool oo'gnumme,
Wam'r zu uns in die Stub is nei'kumme:
Gleich links waar dr grooßi Backoofe,
Im Wintr hott unsr, Katz druff gschloofe.
Unnerum waar oo scheeni Oofebank,
Vielleicht zwaa un a halb Metr im Umfang.
Die owrscht Hälf vun unsr'm Oofe
Is rund und konisch zammgloffte.
Uff dr Oofekopp hott'mr als was druffgestellt,
Oo Schissl Gulaatsche odr was'mr hott gwellt.
An dr votre Seit an dr Wand ung'fähr,
Waar aus Blech aa grooßi Backrähr.
Die Tür vun dere Backrähr war in dr Stub,
Bohne hem'mr drin g'kocht un Krumbieresupp.

Sunscht waar nix mehr am Oofe droo',
Uffgmaurt waar're mit Kotstoo'.
Mit Lohme waar're innwendzig ausgschmiert,
Un vun dr Kuchl aus hem'mr an gschiiert.
Laab und Stroo hem'mr drin v'rbrennt,
Backe, Broode un Koche hott'mr aa g'kennt.
Im Wintr, wann's drauß kalt is gwest,
Hott'mr zwaamool, ei'heitze gmest.
Im Summr hem'mr selde Feir drin ghate,
Blooß far Brot-und Gulaatschebacke.
Gweißlt hem'mr efrs an mit Kalich,
Unnerum waar're weiß un owe blaulich.

Unnr dr Oofebank, dart waar aus Holz,
Oo Spautzkäschtl, unsrem Großvatr sei' Stolz.
Wann'r uff dr Oofebank hott ghockt,
Hott'r sei' Tuwackspeif drin ausg'kloppt.
Iwr dr Oofebank a kloones Stickl,
Waar unsr Uhr mit Gwichtr un Partikl.
Schreeksunnr vun dr Uhr, aus Porzeloo',
Waar dr Waichwassrkessl mit am Roosekranz droo'.
Hinnr am Oofe, direkt an dr Wand,
Waar a Gstelle far unsr Gwand.
Uff die Gstelle ganz owe druff,
Hem'mr unsre g'blumti Tellr nuff.



Kerneier Lyrik

Seite 2

Haus, die Kehrwoche

Neewr am Oofe, an dr Maur droo',
Waar oo grootr Schank, dunkbloo.
Blooß owe waar dr Schank rot –
Un druffgschriewe: Anna Bott.
Dr Schank hott unsr Großmott'r g'gheert,
Wie sie gstarwe is, hem'mr'n gerbt.
Uff am Schank waare die Tunschtgläsr,
Die Warschtspritz un die Schlachtmessr.
Unne drinn waare die gstrickte Schuhg,
Strimp un Socke hott unsr Mottr aa dr'zu.
Dr halbscheid Platz hott unsr Mottr g'breicht,
Far die viele Räck hott's kaum ausgreicht.
In dr annr Hälft waare die Tisch un Leintiechr,
Hemmedr, Gatjr, Sacktiechr un oo Stooß Betbiichr.
Im mittre Schank waar oo kloones Schupplädl,
Far's Hartgeld nei' un die Druckgnebl.
S' grooti Geld waar im Todefreibiechl,
Gut v'rstecklt unnr dr Kopptiechl.
Uff jedem Schankeck un in dr Mitte,
Waare Bumberwitze, odr Kitte.
Neewr am Schank waar's scheeni Paratibett,
Drin gschloofe hott niemand nett.
Unsr Mottr hott allweil gmoont:
„Des Bett werd nar far die Gäscht abgroomt.“

Uff dr annr Seit waare a noch zwaa Bettr,
Unne schee auslegt mit lautr Brettr.
Uff die Bettr hem'mr dr Strohsack gschmisse,
Dr Strohsack waar voll Bascht, des waar gschlisse.
An dr Beziech un Boltschtre waar Ghekelt'es droo',
Die Fettrpint waar rot und die Gnepl himmelbloo.
Die Kabeerdecke waar feierrot un ganz glatt -
Un unnerum hott sie schwarzi Frantzle ghatt.
Jedes Bett waar annrscht oo'gstrich.
Oo Bett waar dunklrot, des waas ich,
Des Zwati waar ganz dunklbloo,
Un am Dritte waar kaum noch Farb droo'.

Neewr ohme Bett waar die Rollbank,
Un waar knaps zwaa Metr lang.
Dr Rollbrügl un's Rollbrett,



Kerneier Lyrik

Seite 3

Haus, die Kehrwoche

Waare unnr unsrem Vatr sei' Bett.
S' Nähkerwl waar unnr's Bett gschoowe,
Mr hott's dart nett gsehje un waar gut uffghoowe.
Im Hoffenschtr waar's Wetttheisl
Mit ohme Mändl drin un ohme Weiwl.
Waar's Weiwl haus mit am Palbalee
Noot hott die Sunn gscheint un waar schee.
Uff dr annr Seit im Fenschtr
Hem'mr dr Spiegl ghatt un dr Kulännr.

S' Spinnrad waar var am Fenschtrbrett,
Awr nar im Wintr, im Summr braucht'mr's nett.
Zwische dr Gassefenschtre waar dr Altar,
S' Scheenschti un Heilichschi, was in dr Stub waar,
Zwaaundreißich heilichi Bildr, alli ganz uff Hochglanz,
In dr Mitte a Kreiz un drumrum oo Kranz.
Zwaa Bildr hem'mr ovr die Gassefenschtre hii',
A Jesusbild un oo Bild vun dr heiliche Marii.
Uff dr linke Seit ganz owe an dr Wand,
Waar unsr Großvatr abnumme im Saldategwand.
Un oo Bild waar uff dr annr Seit,
Vun unsrem Petrvedr seinr Hochzeit.
Die Bildr waare alli an scheeni Nägl uffhängt,
Die hott'mr rausnemme un putze g'kennt.
An dr Nägl waare iwral großi Messingkepp,
Unnetro waare aus Papier großi Schlepp.
An dr Fenschtre waare ko Varhänkl,
Awr unnr am Altar war a Schänkl.
Dart hem'mr a scheenes Tuch truff ghatt,
Ausgschlunge un g'beegelt glatt.
Zwaa großi Kaffeeschale, uff jedem Eck ooni,
Uff dr Schaal waar dr heilichi Antoni.
Des Schänkl hott owe zwaa Schublade,
In ohnre waare die Briefe un Weihnachtskarte.
Un in dr annr Schublad waar allerlei,
Die Steirzettl un alti Kulännr hem'mr nei'.
Nie hott'mr in dr Schublad was gfunne,
Was'mr gsucht hott, waar allweil ganz unne.

Im Schänkl waar owe un unne un in dr Mitte oo Gfach,
Im owrschte waar unsrem Vatr sei' Sach.
Sei' Breitgarn-Oonzug un oo Samethos,



Kerneier Lyrik

Seite 4

Haus, die Kehrwoche

Im mittre Gfach waar noch sei' Buda blooß.
S' unnrschti Gfach waar nett ganz voll,
Vun unsr Mottr zwaa Umhängtiechle aus Woll.
Neewr dr Bettr waare vier Stiehl,
Des waare bestimmt nett zuviel,
Wann halt ganz viel Gäscht sin kumme,
Hem'mr die Oofe- und Rollbank noch gnumme.
In dr mittre Stub hem'mr a Tisch ghat,
Mit ohnr Schublad un oohme Tischblatt.
Wam'mr die Tichlaad uffg'zooge hott,
Waar varne Eszeich un hinne's Brot.
Manchsmool a Gulaatsche:
Maakstrudl odr Bogaatsche.

Neewr am Tiirstock waar's Kammblsäckl,
Oo Hoserieme un mei' Werktagsräkl.
Am Fußend vun unsrem Vatr sei' Bett,
Waar oo Sackuhr uffghängt an dr Kett.
S' Eellicht un dr Gwandbeese,
Hott'mr nett lang suche messe.
Alles waar am Platz un uffgroomt;
In dr Stub hott'mr gesse und drin gwohnt.
Samschtägs hott'mr die Stiehl alli uff dr Tisch,
Un unne uff gweißelt, noot waar die Stub widdr frisch.

Erklärungen:

Gulaatsche	Kuchen
Kotstoo	Ungebrannte Ziegel
Lohme	Lehm
Laab	Mais-Stengel
Spautzkäschtl	Spucknapf
Gatjr	Lange Unterhose
Totenfreibichl	Sterbevereins-Buch
Bumberwitze	Zierkürbis
Kitte	Quitten
Bascht	Maiskolben-Blätter
Kabeerdecke	Bettdecke
Palbalee	Regenschirm
Rollbank	Mangelbank
Buda	Winterjacke



Kerneier Lyrik

Seite 5

Haus, die Kehrwoche

In dr Kuchl... von Peter Gärtner

Wam'mr in die Kuchl is nei'g'trett,
Waar owr am Tierstock a braates Haafebrett.
Un was uff dem Brett nett alles druff waar,
A Gußphan mit drei Fieß sogar.
Außrdem noch erdene Häf un Häf mit Glesur,
Alli schee in dr Raaje wie mit ohnr Schnur.
Far die Häfe runnrnemme henn die Ärm nett greicht,
Dr Kochleffl odr dr Besestiehl hott'mr drzu g'breicht.
Owr am Spaarherd war a schmali brauni Latt,
Wu die Leit die g'blumti Tellre henn druff ghatt.
Selde hott'mr Tellre runnrg'numme,
Nar an dr Kerwei, wann ganz viel Gescht sin kumme.
Uff am Spaarherd am hinre End,
War die Backrehr, wu'mr drin broode un backe hott g'kennt.
Abweschwassr als nei'g'stellt,
Odr Esse oo'gwärmt, wam'mr hott gwellt.
Feier oo'gmacht henn die Leit mit ohme Wusch Stroh,
Mit Kukruzkolwe weitr gschiert, vun denne waare joo gnug doo.
Vum Spaarherd ganz in dr Näh,
So dass'mr schun vun ganz weit hott kenne seh',
War an dr Wand uff ohme weiße Tuch,
A ganz scheenr gsticktr Spruch.
„Eigener Herd ist Goldes wert“ odr
„Des Madl, wu nett koche kann,
Soll nett heirade, die brauch ko' Mann".
In dr meischte Kuchle war a noch a Bett,
Nar far die Kinnr, far sunscht niemand nett.
Wann die Kinnr im Bett henn gleege,
Henn sie direkt in's Oofeloch kenne neisehge,
Un wie dr Vatr uff am Schammele hott ghockt,
Mohl Stroh odr Laabstengl in dr Oofe nei'g'stoppt.
In ohme Eck an dr Wand
War a Gstell far's Werktagsgwand.
Oofegawl, Backschießr un dr Stuwebeese,
Waare zwische am Bett un am Kuchlschank gweese.
Uff am Kuchlschank war a Gstelasch druff,
Die Phannedeckl un Eßsteller hott'mr dart nuff.
Uff am Schank war a kloones Salzteesl,
Un im Schank, die Essichflasch un's Schmalzhäfl.
Außrdem a noch Gwerz allrlei,



Kerneier Lyrik

Seite 6

Haus, die Kehrwoche

Un was'mr halt so g'braucht hott far in's Esse nei'.
Unne im Schank drin war a niedriches Backsimpl,
Far die Aajr nei' vun dr Hinkl.
In dr mittre Kuchl war a Fetzedacke hinglegt.
So, dass's Uffgweißlti längr hebt.
Die Kuchl ausgweißlt odr gmoolt,
Henn die Weibslait, selde hott'mr a Moolr gholt.
Dr Plafoon war meischt'ns schwarz gspritzt,
Dass'mr's nett so sigt, wann a Mick drowe sitzt.
Dr Kraut- un Schmalzstennr war in dr Steegkammr im Eck,
Wu owe die Schunke henn ghange, die Werscht un dr Speck.
Die Summrkuchl derfe'mr am End nett v'rgesse,
In ihr hott'mr nett so owachtgewe messe.
Wann mool a Brotpräsl unnr dr Tisch is kumme,
In dr Summrkuchl is's nett so gnau oo'kumme.
Ei'richtung un Essgscher war in're nett viel,
Do drfar waar im Summr in're schee kiehl.

Die groß' Kerweih in Kernei... von Nikolaus Schnauffer

Acht Täg var dr Kerweih, kumme schun herbei,
Die Gauntsche, Partzelgauntsche un die Engelschreiterei.
Die Kinnr henn gschrie', die Kerweihleit sin doo,
Do is am Sonntag dr Kerweihplatz zu kloo'.
Mottr, Mottr, do sin schun die Kerweihleit,
Jo, jo, sagt die Mottr, des is a Freid!
Vun allne Seite sin sie grennt kumme,
Un henn mit dr Auge alles v'rschlunge.
Die Kinnr kumme vun dr Sambara- un Marwitzrstrooß v'rbei,
Beim Vaarbereite welle sie aa sei' drbei.
Kumme tun sie aa vun dr Siwatzter Gass,
Un die freie sich un henn aa ihre Spaß.
Die Kinnr welle nett hoom geh' un schau sie die Auge raus,
Die Kerweihleit mohne, Kinnr far heint misst'r nach Haus.
So geht's die ganz Woch, Tag far Tag,
Bis zum Kerweihsonntag.
Un do war vielleicht was los,
In allne Eck hott's gschoss.
Ohnr hott uff a Blumestrauß gschoss,
Far sei' Mensch, un hott a gleich g'troff.
Ohnr schießt uff a scheeni Popp,
Mit ohne lange Kaschmerrock.



Kerneier Lyrik

Seite 7

Haus, die Kehrwoche

Die Popp is nett far sei' Mottr,
Sondr far sei' klooni Tochr.
Die Mottr kriegt a Kuchluhr, mit ohme scheene Ziffrblatt,
Die jedr Tag um zwelfi schlagt.
Die Großmottr kriegt a Halstiechl,
Un zum Lese a Messbiechl.
Dr Vatr kriegt a Tuwaksduus un a Zigarettlspitz,
Des hott'r sich schon allmohl gwünscht.
Dr Großvatr kriegt a Tuwaksbeitl un a Pheif,
Do drzu noch a Zindr und Reinichzeig.
Die Kinnr kriege a paar Dinar Geld,
Un do werd noot alles uff dr Kopp gstellt.
Zu dr Großmottr sagt dr Buu, mei' Sack is leer,
Aha, aha, hoscht ko Geld mehr.
Do hoscht finf Dinar, du Huschbl,
Awr Großmottr, far des Geld kriegscht vun mir aa a Buss!
Dr Großvatr sagt zum Buu, bischt nett uff dr Kerweih,
Jo, dart sellt ich sei', awr mei' Sack is leer,
Un hab ko Geld mehr.
So, so sagt dr Großvatr, dei Sack is leer,
Oje, oje mohnt dr Buu, do krieg ich kons mehr.
Doch, doch, du kriegscht schon Geld,
Finf Dinar un die Freid is widdr hergstellt.
Uff dr Kerweih war dr luschtichi August dr beschti,
Der hott nett glooge,
S' Papier hott'r gess mit am Maul und hinne rausg'zooge.
Er schreit, kummt her,
Do drinn in dr Budi sight'r noch mehr.
Die Riese-Schlang, die sich um a Mann ringlt,
Un mit dr Zung umher risslt.
A Ries', dr stärkschti Mann, der a Ackerkett v'rreißt,
Un des is gar nett so leicht.
Die Englschreiterei hott'mr noch nett elektrisch g'triewe,
Do sin sechs Buuwe nuffgange schiewe.
Anri geh' nuff noch ohnr Stund,
Un die owe waare, derfe ohmool fahre umsunscht.
Wer viel Geld hott, zahlt die Fahrt,
Un brauch nett schiewe dr ganzi Tag.
Die Tauwe un die Spatze vun dr Kerchegass henn sich v'rkroch,
Die v'rtraage nett den Krach und des viele Gschoss.
Die Mottr und dr Vatr geh' a uff die Kerweih,
Un schau sich oo' die Treiwerei.



Kerneier Lyrik

Seite 8

Haus, die Kehrwoche

Dr Großvatr hott's Hinkl gschlacht,
Un die Großmott'r hott Supp un Paprikasch gmacht.
Gewe hott's noch g'brotenes Schweinefleisch,
Als Zuspeis a g'dunschtr Reis.
Zum Trinke a ganz gutr Kerneier Wei',
Was kann do an dr Kerweih noch bessr sei'?
Dr Kerweih tag geht a schnell v'rbei,
Un schee war's wiedr mool in Kernei.